



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ალექსიძე ლევან ანდრიას ძე



ალექსიძე ლევან ანდრიას ძე (5. VII. 1926 თბილისი, – 1.VIII, 2019, იქვე), მეცნიერ-იურისტი, საერთაშორისო სამართლის სპეციალისტი. საქართვე. მეცნ. აკად.აკადემიკოსი (2001, წ.-კორ. 1988), იურიდ. მეცნ. დოქტორი (1964), პროფესორი (1965), საქართვე. მეცნ. დამს. მოღვაწე (1986).

დაამთავრა თბილ. სამხ.-საჰაერო სპეც. სკოლა (1944), თსუ-ის იურიდ. ფაკ-ტი (1946), სსრკ მეცნ. აკად. სამართ. ინ-ტის ასპირანტურა (1950). 1950 – 70 პედ. მოღვაწეობას ეწეოდა თსუ-ის იურიდ. ფაკ-ტზე.

ლ. ალექსიძე

1970–77 მუშაობდა გაეროს სამდივნოს (ნიუ-იორკი, ჟენევა) ადამიანის უფლებათა დეპარტამენტის პასუხისმგებელ თანამშრომლად. 1977-იდან კვლავ თსუ-ის პროფესორი,

1978 – 90 – იქვე, იურიდ. ფაკ-ტის საბჭ. სამართ. საფუძვლებისა და საერთაშ. სამართლის კათედრის გამგე, 1991-იდან – საერთაშ. სამართლისა და საერთაშ. ურთიერთობათა ფაკ-ტის საერთაშ. სამართლის კათედრის გამგე, 1985-იდან – თსუ-ის პრორექტორი, 1992 – 93 – პირველი პრორექტორი.

იკვლევდა საერთაშ. სამართ. თეორიის პრობლემებსა და საქართვე. ისტ. საერთაშ.-სამართ. ასპექტებს. 1985 მიენიჭა საქართვე. სახელმწ. პრემია მონოგრაფიისათვის „საერთაშორისო სამართლის თეორიის ზოგიერთი საკითხი: იმპერატიული ნორმები“ (1982). ეწეოდა საზ.-

პოლიტ. მოღვაწეობას. 1962–70, 1980–1991 საერთაშ. სამართ. მსოფლიო ასოციაციისა და საერთაშ. სამართ. საბჭ. ასოციაციის აღმასკომის წევრი.

1990 – 91 საქართვე. რესპ. უზენაესი საბჭოს წევრი, იურიდ კომისიის თავ-რე, 1992 – საქართვე. რესპ. სახელმწ. საბჭოს წევრი, საგარეო ურთიერთობათა კომისიის თავ-რე, 1993 – 2003 იდან საქართვე. სახელმწ. მეთაურის მთ. მრჩეველი საერთაშ. სამართ. დარგში.

თხზ.: საქართველო-რუსეთის საერთაშორისო სამართლებრივი ურთიერთობა XV – XVIII საუკუნეებში, თბ., 1983; გაერთიანებული ერების ორგანიზაცია, თბ., 1985; თანამედროვე საერთაშორისო სამართალი, თბ., 1986; Некоторые вопросы теории международного права: Императивные нормы (jus cogens), Тб ., 1982.
